



PREMIJER VLADE FEDERACIJE BOSNE I HERCEGOVINE

GOSPODIN NERMIN NIKŠIĆ

Predmet: *Zahtjev za hitan dijalog i pokretanje reformskih mjera u sektoru drumskog transporta i logistike*

Poštovani gospodine Premijeru,

Konzorcijum Logistika Bosne i Hercegovine, kao najorganizovanija interesna zajednica prevoznika u državi, koja okuplja dominantne operatere iz svih krajeva BiH – uključujući i veliki broj iz Federacije BiH – izražava zabrinutost zbog izostanka bilo kakvog odgovora na više upućenih dopisa u proteklom mjesecu.

Nažalost, i dalje svjedočimo svakodnevnim apsurdima na terenu. Prevoznici koji posjeduju državnu licencu izdatu od strane Bosne i Hercegovine, bivaju kažnjavani od strane federalnih i kantonalnih inspektora zbog navodnog nedostatka kantonalne licence, čak i prilikom prevoza između Ljubuškog i Tuzle. Dodatno, inspekcije izdaju prekršajne naloge za nevođenje evidencije o radu vozača po kantonalnim propisima, ignorišući postojanje državnog zakona o radu mobilnih radnika koji jasno definiše ovu oblast.

Ovakva nesaglasnost i fragmentacija propisa uzrokuju:

- nepotrebne troškove,
- pravnu nesigurnost,
- usporavanje protoka robe i usluga.

Stanje je neodrživo, a do 1. juna iscrpićemo sve zakonom predviđene mogućnosti institucionalnog dijaloga. Ukoliko se ništa ne promijeni, 16. juna javno ćemo objaviti spisak institucija i pojedinaca koji su ignorisali pozive na razgovor i odbili podržati sektor koji čini preko **90% robnog toka i distribucije** unutar Federacije BiH, koji je investirao više od **3 milijarde eura** u BiH i zapošljava više od **47.000 ljudi**.

Inicijativa za fiskalne i poreske reforme:

U nastavku Vam dostavljamo **8 konkretnih prijedloga** kao osnovu za uspostavljanje radne grupe:

1. **Povećanje dnevnica za vozače**
2. **Izmjena Zakona o porezu na dobit**
3. **Mogućnost prenosa poreskih olakšica**
4. **Uvođenje podsticaja za ekološka vozila**
5. **Reforma sistema fiskalizacije**
6. **Priznavanje transporta kao izvozne usluge**
7. **Pisana poreska komunikacija**
8. **Povrat trošarina na dizel gorivo**

Poštovani gospodine Premijeru, mi nismo samo jedan od sektora – **mi smo krvotok privrede Federacije BiH.** Zaslužujemo radni sastanak kako biste se lično upoznali s izazovima i preprekama koje se nalaze upravo u djelokrugu Vaše nadležnosti.

Porazno je da nižerangirane institucije i inspektorati ignorišu državni nivo vlasti, a rad carinskih terminala nerijetko zavisi od "dobre volje" federalnih i kantonalnih inspekcija pod Vašom jurisdikcijom. Takvo stanje unosi nesigurnost i štetu svim privrednicima.

Napominjemo da čak **90% naših prihoda dolazi iz inostranstva** – mi stvaramo **logističku uslugu kao novu izvoznu vrijednost.** Molimo Vas da se **hitno odredi termin sastanka,** kako bismo pokrenuli zajednički rad na rješavanju problema koji određuju:

- hoće li Bosna i Hercegovina stvoriti novih **15.000 radnih mjesta,**
- ili će uslijediti dalje **iseljavanje kapaciteta i radnika.**

Razumijemo da ste bili službeno odsutni, da imate niz drugih obaveza, ali Vas iskreno molimo da zajedno preuzmemo odgovornost. Naša preduzeća žele **ostati i investirati u Bosni i Hercegovini,** a ne iseliti – jer mi **vjerujemo u ovu zemlju.**

Zaključak:

Sektor međunarodnog drumskog transporta je stub privredne stabilnosti. Bez hitne reakcije, Federacija BiH rizikuje gubitak tržišta, gašenje firmi i odlazak radne snage.

Predlažemo:

- hitan sastanak sa Premijerom i relevantnim ministrima,
- formiranje radne grupe za reforme fiskalnog i zakonodavnog okvira.

Stojimo Vam na raspolaganju za izradu nacrtu zakona, podršku u pripremi mjera i transparentan nastavak dijaloga.

S poštovanjem,



Koordinator

POSLOVNI KONZORCIJUMA LOGISTIKA

BOSNE I HERCEGOVINE

Prof.dr Velibor Peulić